

Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործով
25.12.2021թ. կայացված ԱՖ809674 որոշումն անփոփոխ, իսկ վարչական բողոքն առանց
բավարարման թողնելու մասին

<<14>> 01 2022թ. 7-13

438

ք.Երևան

Ճանապարհային ոստիկանության պետ, ոստիկանության գնդապետ Ե. Կարապետյանս
վերանայելով քաղաքացի Մհեր Սանթրոսյանի ՄԴ/1187-22 դիմումի քննարկման արդյունքում
ստեղծված նյութերը՝

Պ Ա Ր Զ Ե Ց Ի

**Քաղաք Երևան, Նոր-Նորք 3-րդ զնգ. Քոչարյան փողոց, 12 շենքի, 59-րդ բնակարանի
բնակիչ** Մհեր Սանթրոսյանը դիմումով խնդրել է բեկանել 25.12.2021թ. կայացված ԱՖ809674
որոշումը՝ նշելով իր անհամաձայնությունը որոշման հետ: Միաժամանակ հեռախոսակապի
միջոցով հայտնել է, որ դիմումին ավելացնելու ոչինչ չունի, դիմումը քննարկել առանց իր
մասնակցության և արդյունքների մասին տրվի գրավոր պատասխան:

Դիմումի քննարկման արդյունքում պարզվել է, որ Ճանապարհային ոստիկանության
վարչական իրավախախտման գործով 25.12.2021թ. կայացված ԱՖ809674 որոշումը
ենթակա է կատարման հետևյալ պատճառաբանությամբ:

<<Ճանապարհային երթևեկության անվտանգության ապահովման մասին>> ՀՀ օրենքի
24-րդ հոդվածի 5-րդ մասի <<բ>> կետի համաձայն՝ մեխանիկական տրանսպորտային
միջոցի վարորդը պարտավոր է կառուցվածքով նախատեսված անվտանգության գոտիներով
կահավորված տրանսպորտային միջոցներով երթևեկելիս լինել ամրակապված և չփոխադրել
անվտանգության գոտիներով չամրակապված ուղևորներ:

Վարչական իրավախախտումների վերաբերյալ ՀՀ օրենսգրքի 123.3-րդ հոդվածի
համաձայն տրանսպորտային միջոցների անվտանգության գոտիները չամրակապած կամ
սաղավարտը չկոճկած վիճակում կամ առանց սաղավարտի տրանսպորտային միջոցներ
վարելը, ինչպես նաև անվտանգության գոտիները չամրակապած կամ սաղավարտը չկոճկած
կամ առանց սաղավարտի ուղևոր փոխադրելը՝ առաջացնում են տուգանքի նշանակում՝
սահմանված նվազագույն աշխատավարձի տասնապատիկի չափով:

Նյութերի նախապատրաստման ընթացքում պարզվել է, որ 25.12.2021թ ժամը 16:40-ի
սահմաններում Իջևան քաղաքի Երևանյան փողոցում դիմումատուի կողմից <<MERCEDES>>
մակնիշի 35MX828 հաշվառման համարանիշի ավտոմոբիլը կանգնեցվել է
Ճանապարհային ոստիկանության ՃՊԾ 2-րդ սպայական գումարտակի 4-րդ սպայական
վաշտի 2-րդ սպայական դասակի տեսուչ, ոստիկանության լեյտենանտ Գ.Հովակիմյանի և
նույն դասակի տեսուչ, ոստիկանության ավագ լեյտենանտ Գ.Ամիրյանի կողմից՝
<<Ճանապարհային երթևեկության անվտանգության ապահովման մասին>> օրենքի 24-րդ
հոդվածի 5-րդ մասի <<բ>> կետի պահանջը խախտելու համար, այն է՝ վարորդը փոխադրել
է անվտանգության գոտիով չամրակապված ուղևոր: Վարորդի նկատմամբ կազմվել է
վարչական իրավախախտման վերաբերյալ արձանագրություն և Վարչական
իրավախախտումների վերաբերյալ ՀՀ օրենսգրքի 123.3-րդ հոդվածի համաձայն կայացվել է
ԱՖ809674 որոշումը:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ ճանապարհային երթևեկությունը կարգավորող ոստիկանության ծառայողը պարտավոր է սույն հոդվածի երրորդ մասով սահմանված կարգով ազդանշան տալով կանգնեցնել տրանսպորտային միջոցը, եթե՝ ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները, կամ տրանսպորտային միջոցի ընթացքը կամ տեղափոխվող բեռը, կամ վարորդը կամ ուղևորներն իրենց վարքագծով ակնհայտորեն վտանգ են ստեղծում երթևեկության անվտանգության համար: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Ճանապարհային ոստիկանության ծառայողների կողմից տրված պարզաբանման համաձայն դիմումատուի կողմից կատարված իրավախախտումը հիմնավորող՝ տեխնիկական միջոցների կիրառմամբ ձեռք բերված այլ ապացույցներ առկա չեն, սակայն իրավախախտումը եղել է անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն, և կայացվել է ԱՖ809674 որոշում: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցությունից բացի այլ խոսակցություններ չեն եղել:

Այսպիսով, դիմումատուի արարքում առկա են Վարչական իրավախախտումների վերաբերյալ << օրենսգրքի 123.3-րդ հոդվածի հատկանիշները, իսկ ԱՖ809674 որոշումն օրինական է և հիմնավոր, ուստի ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման գործով 25.12.2021թ. կայացված ԱՖ809674 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Մհեր Սանթրոսյանին:

Կատարող Ա.Սահակյան
Հեռ.011-54-47-83



Ե.Կարապետյան

Տ Ե Ղ Ե Կ Ա Ն Ք

11.01.2022թ.

ք.Երևան

Կազմեցի սույն տեղեկանքն այն մասին, որ 11.01.2022թ. զանգահարել եմ ՃՈ ՃՊԾ 2-րդ սպայական գումարտակի, 4-րդ սպայական վաշտի 2-րդ սպայական դասակի տեսուչ, ոստիկանության լեյտենանտ Գ.Հովակիմյանին՝ և նույն դասակի տեսուչ, ոստիկանության ավագ լեյտենանտ Գ.Ամիրյանին՝ քաղաքացի Մհեր Սանթրոսյանի 10.01.2022թ. թիվ ՄԴ/1187-22 դիմումում նշված հանգամանքների վերաբերյալ պարզաբանում ստանալու նպատակով:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Մհեր Սանթրոսյանի կողմից կատարված իրավախախտումն հիմնավորող տեխնիկական միջոցների կիրառմամբ ձեռք բերված այլ ապացույցներ առկա չեն, սակայն իրավախախտումն եղել է իրենց տեսադաշտում ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն և կայացվել ԱՖ809674 որոշումը:

Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցությունից բացի այլ խոսակցություններ չեն եղել:

ՃՈ ՎԲՔ բաժնի տեսուչ,
ոստիկանության՝ կապիտան



Ա.Սահակյան

